

Партийн сургъулин джил төгсв

Таньгъчин партийн организацд партийн просвещенэ сургъулин джил төгсв. Эн джил таньгъчд КПСС-н туудж даслгъна 120, селәнэ эдл-ахун экономик даслгъна 50 гар кружокс болн семинармуд, политэкономий, философий болн нань чигн төрмүд даслгъна 50 шаху кружокс көдлджэв.

1957 джилин октябрь сарас авн 1958 джилин январь сар күртл цуг кружокст, политшколст болн семинарст коммунистнр партин болн правительствин гаргъсн, онцта чинр зүүджэх шиндврмүд дасцхав. Цааранднь программар темдглгдсн төрмүд даслгъан эклв.

Май сард дигин заньт кегдсн, сургъулин джилин туршарт кружоксин, политшколсин болн семинарсин сонъсачнр нургълдж арднь ордж сургъулян дасад, марсистск-ленинск медрлән өөдлүлдж чадсинь үзүлв. Коммунистин бийсиннь медрлән өргджүлв, селәнэ эдл-ахун экономикин тускиг болн орн-нутгин дотр-дундин болн газадин керг-төрин тускиг урдкасн гүүнәр меддг болцхав.

Сургъулян бүрдәмджтэ кевәр, идейн-теоретическ өөдән кемджәнд кедж, сән күцвртэ-гъяр сургъулин джилин дигинь кев гидж Сарпинск района селәнэ эдл-ахун экономик даслгъна пропагандистнр Медведевин болн Шевченкон кружоксиг, Яшалтинск района пропагандистнр Годицкин болн Килияновин кружоксиг, Приозерн района өдгэ цагин политик даслгъна пропагандистнр Бамбышевин, Очировин кружоксиг, Западн района пропагандистнр Раевскин, Сергиенкон, Поречна кружоксиг, бас чигн кесг кружоксиг заадж болхмн.

Кружоксин көдлмшт гарсн нег сән үлгүр — КПСС-н зәрм райкомс, сонъсачнрин болн пропагандистнрин экскурсий бүрдәдж, нүүрт йовх эдл-ахун дамшлтиг даслгън болв. Района экономическ школд сурч йовх улсин экскурсий Западн района «Пролетарская победа» колхозур кегдв. КПСС-н Западн райком пропагандистнрин им экскурсий Ново-Александровск района «Россия» болн Ленинэ нертэ, өмн нүүрт йовх колхозмудур бас бүрдәв.

Партийн сургъуль дасдж йовх улсин политическ медрлнь өөдлсн йовдл теднэ производственн көдлмштән диилвр

күцәхднь ик үлмәгъән күргв. Кружковцнрин ик зунь производствд сәәнәр көдлдж, өмн нүүрт йовх улсин тоод бәәцхәнә.

Пропагандистнр болн кружковцнрт КПСС-н райкомсин партийн просвещенэ кабинетс күргдг нөкдән темдгтэ кевәр ясулв. Лекцс урдкасн олар умшгдв, пропагандистнрин семинарск заньтс тасрлтан угагъяр кегдджәв, эднд таньгъчин, райодин эдл-ахун тосхлтин тускар материал хоршагддж бел кегдджәв. Западн, Яшалтинск, Черноземельск болн Сарпинск райодт эн көдлмшин му биш дамшлт хоршагдв.

Партийн комитетс болн эклц партийн организацс партийн сургъульд оньган өгч йовцхав. Коммунистнрин хургт, комитетин бюрод эн төриг тәвдж күүндвр кегәäd, дуту-дундинь чиклдж йовцхав. Эврән бийснь теорий дасдж йовх коммунистнрин көдлмшинь шүүдж хәләлгәнд, дөнъ-нөкдән күрглгәнд қилмдж тусхадж йовв.

Болв таньгъчин зәрм райодт партийн сургъульд дуту-дунд чигн үзгдв. Яшкульск болн Юстинск райодт партийн сургъулин кабинетс муугъяр көдлджәв, кружоксин көдлмшт таслвр гарад йовв, кружковцнр сургъульдән ирлго йовсн хаалгъ чигн үзгдв, КПСС-н райкомс эн көдлмшиг сулар гарддж бәәв. Энүнә ашднь сургъулин дигнь сән болсн уга. Эн эндүсиг цаарандан чиклх кергтә.

Сургъулин шин джилд белдлгәнә көдлмшиг хооран салго, оданас эклхмн. Эклц партийн организацс коммунистнрлә күүндвр кедж, альд дасхинь йилгъх, эднә политическ медрлинь, сургъулинь, кедж йовх көдлмшинь тоолдж кружокс, политшколс бүрдәлгъиг чикәр келгъ теткх зөвтә.

Партийн сургъулин джилин дигинь цуг эклц партийн организацсин хургт тәвдж күүндвр кедж, бәәсн дуту-дундинь илдкдж, зуна цагт пропагандистск көдлмш ягәдж делгрүлхән темдглхмн. КПСС-н района партийн комитетс кружоксин болн пропагандистнрин көдлмшин сән дамшлтинь хоршадж тархалгъна керг күцәцхәх зөвтә.

Н. КРАВЧЕНКО,
КПСС-н таньгъчин комитетин
инструктор.